

Tinaitai Koru, 2017

Tinige' Teresita Concepcion Flores

I Fino' CHamoru
Ta hungok,ta li'e',ta sangan
pues Nihi ta mantieni!

Ini na fino' ginen i hila' i manaina-ta.It mas yahululo' gj nina'en-niha.
Para u ta tungo' manhayi hit, mangginen manu hit ya u ta fanmetgot gi lina'la',
gi hinengge,gi hinasso ya u ta chachalani mo'na i tiempo para i manmamamaila.
Pues nihi ta mantiene!

Ta hungok;
Gi i inadingan
gi i lalai, gi i pu'ema,
gi i tinaitai,yan gi i inigong
put guinaiya,minagof, chinatsaga,
pinadesi,inafa'maolek yan put
sentimento.
Pues nihi ta mantiene!

Ta li'e';
gi i manaina-ta,gi i famagu'on-ta
gi i lepblo-ta,gi i kumunilat-ta,gi i eskuela-ta,
gi i mangga'chong-ta
put guinaiya minagof,chinatsaga,pinadesi
inafa'maolek yan put sentiment.
Pues nihi ta mantiene!

Ta sangan;
gi i manaina-ta, gi i famagu'on-ta,
gi i mangga'chong-ta, gi i tinaitai-ta,
gi i kumunilat
put guinaiya, minagof, chinatsaga,
pinadesi, inafa'maolek,
yan put sentimento
Pues nihi ta mantiene!

Mungnga na ta fanlinaisen
sa' ti ta hungok
Mungnga na ta fanlinemlem
sa' ti ta li'e'
Mungnga na ta fanfinalaguaihon
sa' ti ta sangan

I Fino' CHamoru
Ta hungok, ta li'e', ta sangan
pues Nihi ta mantiene!